

合四箇條事

一氏々祖墓及百姓裁誤○裁恐同樹爲林等事

右件案太政官今年閏六月八日下五畿內七道諸國符稱氏々祖墓及百姓宅邊裁樹爲林等所許步數具存明文者去慶雲三年三月十四日詔旨稱氏々祖墓及百姓宅邊栽樹爲林并周二三十許步不在禁限者又去延曆十七年十二月八日格稱元來相傳加功成林非民要地者量主貴賤五町已下作差許之略中斯則官符所謂明文更无有疑略中

大同元年八月廿五日

〔類聚三代格十二〕太政官符

一 應禁制斫損水邊山林事

右禁大和國解稱產業之務非只堰池浸潤之本水木相生然則水邊山林必須鬱茂何者大河之源其山鬱然小川之流其岳童焉爰知流之細太隨山而生夫山出雲雨河潤九里山童毛盡谿流涸乾謹案太政官去大同元年閏六月八日下五畿內七道諸國符稱右大臣宣奉勅山川海島濱野林原等一切收入公私共之但山岳之體或於國爲禮事須蕃茂勿令伐損又山城國葛野郡大井山者河水暴流則堰堤淪沒採材遠處還失灌溉因茲國司量便禁制河邊諸國若有此類者不論公私不在收限者然則大堰之岳專有禁制小川之山不在禁限因茲百姓憚遠貪近川上山林任意伐探至有旱年溉乏苗焦動遭損害職此之由也望請川谿泉源溝池等縱溉田水邊山林藪澤不問公私悉加禁制並莫伐損謹請處分者依請○中

以前右大臣宣奉勅如件諸國宜准此

弘仁十二年四月廿一日

太政官符